

Коми Республикаса том войтырлөн газет



ЙОЛОГА

2014
төв шөр
10-өд
лун

1 №
(1126)



«Йөлөга» -
Сосногорскын
4-5 л.б.

**Тайо
НОМЕРЫН**

Кольом вося декабрь помын «Йёлга» газет Сосногорскса 3 номера школаысь коми кыв велодысьяскöд öтув нуöдiс «Василейса рытпук» аддзысьлöм.

Водзмöстчис таын медъяна коми кыв велодысь Лариса Валерьевна Евсеева, буретш сийö и вöзийис «Йёлгаса» главнöй редактор Галина Макаровалы волены да ёртасыны сэтчöс ныв-зонкöд.

4.5
л.б.

Кутшöмön лоö выль 2014 воыс? Уна-ö шуд да выльтор ваяс Вöв во? Став юалöм вылас воचाкаывыис 2014 во кежлö китайса гороскопын.

6
л.б.

Юркарса 96 номера челядьлы сад кольом вося декабрь помын пасийс гöгрöс тшупöда пас - вöсьöмсяныис 40 во тырöм. Тайо каднас, дерт, унатор вежсис: воысь-во бурмис-сöвмис челядьлы сад, уна быдтас петiс велöдчыны школаö, содiсны и садса вермöмъяс.

12-13
л.б.

«Йёлга» газет лыддысьяс-лы бура нин тöдса Вероника Нестерова бара на велöдас шензьöданатор вöчны - рöштвояс анделöс.

16
л.б.




Челядьлы лои нимкодъ

Эжва районун декабрь помö мунiс «Надежда. Новогодняя сказка» быдвояс отсöг сетан акция. Челядьлön да том йöзлön öтмунöмысь томулов чукöртiсны выльвояс козинъяс челядьлы, кодъяс судзсытöма олöны да кодлön эм дзоньвидзалунын тырмытöмтор.

Ставнас лои чукöртöма выльвояс 50 сайö козин. Сэтчö пуктöма юмовторъяс, тетрадь-ручка, чача, а сiдзжö «Апельсин» шойччан шöринö сертификат. Став козинсö челядьлы разöдiсны Кöдзыд пöль да сылön отсасысьяс.

Та кындзи 100 сайö ворсöм да чача вуджöдiсны районса социальнöй шöринö.

«Ребьячья республика» пресс-центрлön юөр серти



Снимокыс интернетсы.

Юркарын - вöралан календар

Сыктывкарын сувтöдiсны коми вöралан календар скульптура. Сылön ыдждаыс - 1,5 метр.

Юркарса администрация шуис пуктыны памятниксö «Авалон» гостиница да ЦУМ костын. Йöзлön видзöддас серти, «Детскöй мир» дорын и сiдз нин унатор эм, та понда Сыктывкарса мэрия бöрийöма индöм инсö.

Бронза календар пырö Ванвиздинса археологическöй культураö. Сийöс аддзисны 1975 воын Кöрткерöс районуна Шойнаты сиктдорса Эжва ю берегысь да сетiсны археология экспедицияөн веськöд-лысь Клим Степанович Королёвлы. Буретш сэки сийö уджалiс индöм районуын.

1987 воын этнограф Николай Конаков вöзийис гöгөрвоöдны важ коми вöралан календарлысь пасъяс. Сы серти, важöн комилön воыс заводитчис тулысья откузя луна-восянь (равноденствиесянь). Лыд-дöмыс мунiс часi мунöмлы паныд торъя пасйöдъяс отсöгөн - вежон. Быд пасйöд - 4 сутки. Тöлысьяс вылö календарыс юксис пемöсьяс отсöгөн.

«Комиинформ» серти



Унатор төдöны

Кöрткерöс районса Адзорöмса школайн декабрь помын вöли «Отечество - земля Коми» туристско-краеведческой конференция.

Сэтчö пырöдчисны Ыджыд-видзса, Висерса, Одыбса, Пöддельнойса, Пöдтыбокса, Шойнатыса, Адзорöмса, Приозёрнойса да Кöрткерöсса школаясысь кызь квайт ныв-зон.

Жюрилы донгъялöм вылö сетöма 21 удж. Медуна - «Историческое наследие. История политических репрессий» секцияын. Тані вермисны уджъяс: Никита Королёвлөн «Первый пароход на Вычегде» (Пöддельной школа, велöдысь - В.А.Падалко), Мария Мишариналөн да Кристина Черновалөн «Жизнь в закрытом посёлке Одыю - по воспоминаниям немцев спецпоселенцев с. Нившера» (Приозёрной, велöдысь - В.А.Мишарина).

«Культурное наследие. Экскурсоводы» секцияын вермис Ыджыдвидзсысь Полина Старцева «Северный цветок - А.П.Мишарина» (велöдысь - Э.А.Старцева).

«Природное наследие. Туристское мастерство» нырвизыын медводдза места босьтис Арина Моториналөн «Комар - польза или вред?» удж (Пöддельной сикт, велöдысь - Е.И.Моторина).

«Звезда» газетлөн юбр серти



Лызьён котравны дась

Выль во водзвылын, декабрь 29 лунö, Кöрткерöс районса Ыджыд-видззын восьтисны лыжи база.

Спортивной объект олöмö пöртисны республикаса целевой уджтас серти. Подулөн босьтöма «Лыжная база на 20 учащихся» типовой проект. Сэни эм вестибюль, гардероб, тренажёрной, тренерлөн, лыжи дасьтан, лыжи эмбур видзан жыръяс, душа да санузела пöрччысянин, бурдöдысьлөн да метод кабинетъяс.

Лыжи базаыс йитчöма вöвлöм нин спортзалкöд., кодöс тшöтш дзоньталöма.

Спортгентство серти

Унатор лои вöчöма

Комиын 2014 во шуöма Дзоньвидза оласнога воён. Та йылысь республикаса Юралысь Вячеслав Гайзер юөртис журналистъяскöд пресс-конференция дырйи. Локтан воыс пö шымыртас унатор: бурдöдчанінсянь спортöдз. 2013 во - Спорт во - коли зэв бура, унатор лои вöчöма.

- *Декабрь 31 лунö Спорт во оз помась. Сійö сетис вын водзö сöвмыны республикалы. Дерт, вöлины пырмытöмторъяс, но ставнас - унатор лои вöчöма, - шуис Вячеслав Гайзер.*



Пыгди пуктана да дона миян лыгдысьысь!

Чолöмалам тэнö Выль 2014 воён! Став сёлöмсянь висьталам ыгжыг аттьö гижöдчöмсьыг! Дерт, эськö окота вöли, медым унджыкөн вöлим тайö во вылас, но и таысь нин нимкодг миянлы. Сигзкö, та мындаён и кутам тöдгмасьны республикаса вьлиторъясөн, коми томуловлөн олөм-вылөмөн, радлыны налөн водзмöстчөмөн да енбиялунөн.

Ми шогö ог усьöй, öг выль во - тайö выль мөвпъяс, выль гижöдгъяс, выль конкурсъяс. Ло миянкöд, дона лыгдысьысь, и газет лист бокын, и öтуввезйын. Став бурсö тэныг выль воö да ыгжыг чолөм!

«Йолга» газет редакцияын уджалысьяс



ГАЗ

Кольом вося декабрь помын «Йөлөгә» газет Сосногорскса 3 номера школаысь коми кыв велодысьяскөд отув нуөдіс «Василейса рытпук» аддзысьлөм.

Водзмөстчис таын медьёна коми кыв велодысь Лариса Валерьевна Евсеева, буретш сійо и вөйис «Йөлөгаса» главнөй редактор Галина Макаровалы волыны да ёртасыны сэтчос ныв-зонкөд, Дерг, нимкодь лои татшөм корөмсьыд - дыр мөвпавтөг окотитім волыны.

Сосногорскса школаын ныв-зон окотапырысь велөдöны коми кывтö, торйөн нин ичöt классаяс. И дерт, тöдса, мый öнiя томуловтö колö кужны ышöдны босьтны тöдöмлун мөд канму кывйысь, велөдны пыдди пуктыны сійос. Со Лариса Валерьевналөн унджык быдтасыслөн радейтана урокыс - коми кыв, и тайö дзик роч карын!

А кывсö пыдди пуктыны да ышöднысö велодысьяслы артмö, дерт, уна сикас гаж-аддзысьлөм отув дасьтiгьясөн. Ныв-зон асьныс окотапырысь зiльöны тöдмавны коми йöзлысь оласног, культура да традиция. Со и Виль во вочаалигөн шуöмаöсь дасьтыны «Василейса рытпук». Лариса Валерьевна ышöдöма пырöдчыны татчö абу сöмын дзюлюкьясöс, но и коми кыв велодысьясöс - Наталья Николаевна Артееваöс да Ольга Александровна Игнатоваöс, а тшöтш и физкультура велодысь Людмила Александровна Уляшеваöс. Ставныс найö коми сиктьясысь петöмаяс. Рытпук дырйи сьёлöмсяныс гудöкаліс коми сыланкывьяс музыка урок велодысь Светлана Анатольевна Половникова.

Мича паськөма дзюлюкьяс локтiсны рытпук вылö кысян-печканөн, а тшöтш и быдсяма пöжаснас: пызан тыри чериняньөн, яблöга пирöгөн, уна сикас көвдүмөн, блинөн да öладдиён. Сы бöрын ставөн отув сьылісны коми сыланкывьяс да частушкаяс. А «Йөлөгасысь» Галина Макарова нуөдіс ныв-зонкөд коми ворсöмьяс. Ворсiгтыр и тöдмасисны, и коми кывьяс тöд вылö уськөдісны, и «Йöла рок» пуисны, и гын сапöгөн котралісны да йöктісны.

Шойчигмоз ныв-зон да велодысьяс тунаисны, нöшта на шегйөн удитісны ворсны. А зоньяс тöд вылас уськөдлісны вöралöмкөд йитчөм приметаяс.

Рытпукасыны воліс тшöтш и Сосногорскса коми культура шöринысь уджалысь Ангелина Александровна Медведева. Ань тöдмөдіс велөдчысьясöс коми йöзкостса ворсанторьясөн.

Ок, и гажаа коли рытпукасьöмыс! Челядь пöттöдзныс гажöдчисны да уна выльтор тöдмалісны коми йöзлөн оласног да традиция йылысь. Быдöнлы нöшта на и «Йөлөгасынь» козин вичмис, а коми кыв велодысьяслы Коми Республикаса национальнөй политика министерствосьянь козин пыдди лоины небöг-дискьяс.

Ыджды аттö Сосногорскса велодысьяслы рытпук котыртöмысь да гөститны корöмысь. Мөдысь волам на!

Миян корр.



«Йөлөгә» - Сосногорскын





2014 во кежлө китайса гороскоп

ВОВ

КРЫСА

Крысалы 2014 воыс лоас вывті шудаён. Но сөмын сэк, кор ставсө кутан ас пөсьнад перйыны. Кут надеятө сөмын ас вылад. Сьөмөн эн лышкыдась, аддзы кад и шойччөм вылө. Ставыс артмас-ладмас, кутан кө матыссаыдкөд өтсөгласөн овны. Дзоньвидзалуныд ыджыд вежсьөмгьяс оз вай.

ОШ

Ошлы локтан воыс сетас позянлун унатор шедөдны: кыпөдчыны веськөддысьяс син водзад, босытны выль төдөмлун, аддзыны выль ёртөс. Локтан воө сьөм боксянь сьөкыдуныд оз ло, он кө кут наён вывтігьясны. Радейтчөмад выльторгьяс оз лоны. Дзоньвидзалуныд лоас бур, ас кадө кө сетан сылы өтсөг.

ТИГР

Тигрлы выль воыс ыджыд мытшөдгьяс оз вай. Сіджө пөсь петмөн ковмас уджавны, медым мыйкө шедөдны. Йөз вылө эн надейтчы. Отсөгыдла бурджык шыөдчыны аслад ёртгьяс дорө. Дзоньвидзалуныд ыджыд тырмытөмторгьяс оз вай, ас кадө кө ветлан бурдөдысь дорө. Радейтчөмад ставыс бур. Отувья шойччөг нөшта на матыстас тиянс.

КРОЛИК

Кроликлы локтан воыс лоө уна юөраён. Тэ дорө тшөкыда шыөдчасны өтсөгла матыссаыд да ёртгьясыд. Лоас кө позянлун - отсав, эн өткажит. Таысь тэно пьдди пуктөмыс ёна содас. Дзоньвидзалуныд коляс важ кодь. Радейтчөмад некутшөм мытшөд оз ло. Сөмын эм өти вөзйөм: быд шуөм да вөчөм водзын медводз бура мөвпышт, а сэссия вөлисти нин вөч.

ГУНДЫР

Гундыр воө чужысьяслы выль вонас ковмас лөнджыка овны. Тэнад ставыс артмас, кутан кө кывзыны бур ёртгьястө да матыссатө. Тэрмасьөмөн кывкутана уджгьяс оз вөчны. Радейтчөмад ставыс вывті бур. Весиг өтка Гундыргьяс вермасны аддзыны муса пөвсө. Дзоньвидзалуныд ыджыд мытшөдгьяс оз вай, ас кадө кө шыөдчан бурдөдысь дорө.

КЫЙ

Локтан воө Кыйлы позьө шойччыштны. Кольөм во сийө вывті унатор нин вөчис-бергөдіс. Та вөсна ов сьөлөмыдлөн тшөктөм серти: уджав да шойччы урчитөм кад серти. Радейтчөмад ставыс лоө колана ногөн. Ассыд муса пөвтө пьдди пукты да тшөкыджыка ошкы. И казялан, мый сийө тэ дорө нөшта на матысмас.

китайса гороскоп

ВОВ

Выль воө Вов лоас көзяинөн. И колө пасйыны, мый став сылөн гуся мөвпыс да көсийөмыс кутасны пөртсыны оломас. Во заводитчигас Вов неуна польштас на босытчыны выльтор вөчөмө. Во шөрланыс нин сийө кутас көзяитны. Радейтчөмын да дзоньвидзалунын некутшөм мытшөд оз ло. Сьөм боксянь тырмытөмторгьяс эн жө виччысь.

КӨЗА

Көзалы локтан воыс сетас позянлун кыпөдчыны веськөддысьяс син водзын. Тэнад ставыс артмас-ладмас ыджыд вын пуктытөг да йөзөс өтсөг вылө кортөг. Во заводитчигас колө сетны аслыд неыджыд шойччөг. Во шөрас нин тэ босытчан выль проктыгьяс бергөдны да вайөдан найөс помөдз. Радейтчөмыд да дзоньвидзалуныд вежсьөмгьяс оз вайны.

ӨБЛЕЗЯНА

Өблезяналы кольөм воыс колис вывті лышкыда. Та вөсна локтан воыс лоас неуна лөнджыкөн. Дзоньвидзалунад вермасны лоны тырмытөмторгьяс. Но наысь позяс кокниа мынтөдчыны, ас кадө кө шыөдчан бурдөдысь дорө. Медыджыд вын локтан воө сетан радейтчөмлы. Муса пөвтө кутан ки вылад новлөддыны, став сылысь көсийөмсө збыльмөдны.

ПЕТУК

Петуклы Вов воыс вайө мытшөдгьяс венөм. Найө лоасны велөдчөм-уджад, дзоньвидзалунад да радейтчөмад. Но наысь кокниа мынтөдчан, ас кадө кө босытчан венны тырмытөмторгьяс. Локтан воө сет аслыд бур шойччөг, ветлы саридз дорө либө кутшөмкө санаторийө. Во помас ставыс вежсяс бурланьө. Сөмын колө виччысьыштны.

ПОЧ

Пон воө чужысьяслөн лоас лөнь во. Вөвкөд Понийд ёртасьө. Та вөсна ичөтик вын пуктөмөн позяс уна гуся мөвп пөртны оломад. Радейтчөмын вермасны лоны тырмытөмторгьяс. Наысь кокниа мынтөдчан, кутан кө кывзыны муса пөвтө. Дзоньвидзалуныд вежсьөмгьяс оз вай. Сөмын важся висьөмгьяс йывсыд эн вунөдчы да ас кадө шыөдчы бурдөдысь дорө.

ПОРСЬ

Порсь воө чужысьяслы локтан воыс лоас шудаён. Вөлыд да Порсыд пыр ладмөдчөмөн олоны. Сіджө, локтан воө колө унджык гуся мөвп видлыны пөртны оломад. Радейтчөмад ставыс лоө бур. Видзчысь вомидзысь. Дзоньвидзалун боксянь колө видлыны ты-мустө. Унджык кад аддзы и шойччөм вылө да матыссаыдкөд аддзысьлөм вылө.



ТӨД ВYЛӨ

А кутшөм тэ,
Вөв воө чужысь?

ВӨВ воө чужлөмаось 1918, 1930, 1942, 1954, 1966, 1978, 1990, 2002 воясын, да, дерт, найө, кодъяс чужасны локтан 2014 воын. Асывывса серти, Вьль воыс босьтчас веськөдлыны 2014 вося январь 31 лунө, а дугдас 2015 вося февраль 18 лунө. Кутшөмось эськө найө, Вөв воө чужысь йөзыс?

Ысьсөсь, кокниа нажөвитөны сьом, көть эськө сэтшөм жө кокниа найөс видзөны. Вежласысь сям понда өдйө мудзөны отиторйысь, но шойччөм бөрын вьльысь босьтчөны уджө. Ызяс кө - сийөс он нин сувтөд.

РАДЕЙТӨНЫ ветлыны мир пасьта да та понда тшөкыда вежаллөны уджаланисө. А со уджын кыпөдчыны оз зьлыны. Бур удж налы вичмө ас вынө эскөмысь,

ЭМӨСЬ сэтшөмъяс, кодъяс пыр дасьсөсь локны отсөг вьлө. А эмось ас пытшкас дзевсьысь йөз. Найө - гортса олысьяс, уна вьльтор насянь позьбө төдмавны: лоөмтор, история, юөр.

ЙӨЗ пиын овны радейтысь Вөв воө чужысьяс торъялөны спорт дорө сибыдлунөн, торйөн нин кажитчө кокни атлетика, котралөм, регби, вөла спорт, копьё лыйлөм.

ЧЕЛЯДЬДЫРЬИИ Вөв воө чужысьяс лэдзөны шорө ичөтик пыжъяс, лэбалаан змейяс. Весиг верстыөдырйи налы окота мукөдырйи ворсыштны.

БЫД 60 во мысти Вөв восө шуөны Биа Вөв воөн. 1906, 1966, 2026 воясө чужөмаяслөн характерас бурыс и лёкыс унмө. Найө нөшта на енбиаөсь, винелөсь, но и ёнджыка асьнысө радейтөны. Татшөм йөзыслөн олөмыс ярьюгыд, тыр лоөмторьясөн. Вермөны өдйө нимавны.

ВӨВ воө чужысьяслы лөсялөны со кутшөм странаяс - Австрия, Румыния, Ливан, Ливия, Алжир, Индонезия.

ИЗЪЯС пиысь - рубин, гранат, аметист, топаз, гиацит.

ВӨВ воө медводдзаясь йөз вөчлөмаось фотовспышка да магнитофон.



ВӨВ воө чужысь морт радейтө гажөдчыны, вөвны йөзаиньин, ветлыны театрө да киноө. Төдөны аслыныслы дон, радейтөны овны ашшөра. Гежөда, кывзөны кодлыськө видзөдлассө. Найө кокниа радейтчөны, но сьөкыда янсөдчөны дона мортгыскөд. Муслун понда вермөны энөвтны ставсө. А тшөтш и нимкодьясьны вөр-ваөн да радейтөны пемөсьясөс. Налы олөм - тайө суьйорсайө ветлөм кодь, көнө уна вьльтор төдмалан.

сюслунысь да йөзлы дөвериеө пырны кужөмысь. Воөдчыны колана могөдз налы абу сьөкыд. Бура кужөны сёрнитны йөз водзын. Водзвыв төдөны, мый көсийө шуны либө вөчны мортгыс.

МУКӨДДЫРЬИИ найө дугдөны эскыны ас вынас. Сэк лоөны скөрөсь, өд Вөв воө чужысьясид пось вираөсь, пузувтөны ставсө, мый мешайтө налөн туй вылын.

ОВЛӨНЫ асныраөсь. Бать-мам дорын дыр оз овны, окотитөны овны ашшөра. Зьлөны, мед налөн вөли ас керка, семья. Татшөм йөзсө сьөкыд дөзмөдны, өд найө и асьныс ярскөб кывъяөсь. Кужөны сибөдчыны йөз дорө, ёртась-



«Йолга» газетын пыгди пуктана зильысьяс! Дона нывъяс! Чолöмалам тiянöс
Виль воён!

Сиам ставныглы гзоньвизалун, шуг, уджын виль вермöмъяс, газетлы виль
ёртъяс, водзö сöвмыны да нимöдны Коми мунымöс.

Ыстам тiянлы 4 класса велöдчысьяслысь серпасъяс да медводгза кывбуръяс.
Быг бурсö сiймön, Светлана Ивановна МУРАВЬЁВА
да Любовь Геннадьевна КАРАКЧИЕВА.
Кöрткерöс районьсь Висерса школа.



Рöштво

Тöлыд кажитчö, дерт, ставлы,
Сэки уна праздник эм.
Челядь йöктöны коз дорын,
Кöдзыд пöльлön козин - тшем!

Тайö, дерт, зэв нимкодъ эськö,
Но ме тöда нöшта ыджыд гаж:
Сийö шусьö - Рöштво...
Сийö Енлön чужан пас!

Тайö лун меным зэв муса.
Сэки мунам вичкоö ми.
Сэни ломтысьöны кустöг
Уна-уна сисьлön би.

Öбраз вывсянь мелi нюмön
Помтöг шонтöны шудлунön
Муса синъяс...
Сылы сылам ошкöм ми!

Валерия УТЯМЫШЕВА,
4 класс.



Серпасалiс Кирилл МИХАЙЛОВ.



Серпасалiс Артур ПОПОВ.

* * *

Олö миян дорын кань,
Сийö муса зэв и шань.
Войнас воккöд водам кор,
Локтö сы дорö век пыр.
Мекöд Симон оз и узь,
Мыйла миян сийö сюсь.
Радейтам ми сийöс ёна,
Сийö миянлы зэв дона.

Елизавета МИШАРИНА,
4 класс.

* * *

Кадыс вöли тöv.
Батьлön вöли вöv.
Радейтi ме сийöс ёна,
Пегас вöли меным дона.
Турун ваяс, гöрас му,
Пестö кыскас - он и су.
Мöс кöть, кань кöть, пон кöть, вöv -
Ставлы колö уджын пöv.

Серрей ШУЧАЛИН,
4 класс.



* * *

Миян гортын олө кань.
 Сійö вьвтi бур да шань.
 Шыръяс шургöны «шур-шар».
 Каньлы мешайтöны войнас
 Шыръяс, дзизгöны кьдз номъяс.
 Каньыд чеччис шы ни тöv,
 Шыръяс дзедсьöмаöсь бөр.
 Рака пуксис öшинь вылö,
 Каньыд чеччыштiс сы вылö.
 Сэсся чушкис зi -
 Нырсö мавтам ми.

Антон ИВАШЕВ,
 4 класс.



Серпасалис Станислав КАЛИСТРАТОВ.

* * *

Менам воис чужан лун,
 Сійö менам праздник лун.
 Сэки лоас менам торт,
 Сэки локтас уна морт.
 Сёям ставön менсьым торт,
 Юам ставön груша сок.

Владик КОЛЬЦОВ,
 4 класс.



Серпасалис Кирилл МИХАЙЛОВ.

* * *

Менам выйим дзоля вок,
 Сылön вьвтi удал кок.
 Кьдзи пырас садйысь вок,
 Здукön торкас менсьым төлк.

Босьтас тетрадь, карандаш.
 Менö кватитас мандраж.
 Оз нин аски луныс лок,
 Медым школаö мунны сток.

Рудольф ТРОЙМАН,
 4 класс.



Серпасалис Валерия УТЯМЫШЕВА.



Иван БЕЛЫХ

Важ рөмпөштанын тыгөрвас

Тайо рөмпөштаныс миян луныв керкаын аслыс ногон мичмодис да гажодис пыдыс жырсө. Зэв ыджыд. Съод рама пытшкын. Вылісянныс сигортөма мичаа серпасалом гөрд петукьяса кузчышгьянөн. Пыдыс жырийо пыром борын быдон миян пиысь пыр жө аддзывліс рөмпөштанысь ассыс мыгөрсө. Та вөсна и ми, челядь чукөр, ворсодчигмоз пыр бергавлім рөмпөштан дорын.

Көні бара өні сійө-а? Виль керка лэптөм борын батъ-мам эз нин өшөдны важ рөмпөштансө пыдыс жырлөн стенө. Виль стрөйбаад пö виль көлуй колө. Но меным сійө, мыйлакө зэв дона вөлі. Гашкө, сы вөсна, мый уна казтылом вөлі йитчөма тайо рөмпөштаныскөд. Усьо мукөдырйи мыйкө вежөрад, да весиг синваыд петалө.

Быттьө өні на син водзын менам муса Анись баб. Сувтөма рөмпөштан водзө да нимкодьясьө сөмын на вурөм сарапаннас. А ме, ичөтик детина, и юала сылысь:

- Бабө, кодлы нө тэ вурин тайо сарапансө?

- Аслым, дитяйөй. Ачым и кута новлыны, - гораа вочавидзө сійө. А менө быттьө кодкө тойліс вылісянь сідзжө гораа воча шуны сылы:

- Бабө, тэ өд он нин удит тайо сарапантө новлыны. Таво кулан нин.

- Чөв, чөв. Мый нө тэкөд, донай, лоис? Кыдзи нө лысьтін шуны тайо кывьяссө? - пыр жө вомавліс сійө менө.

А сэсся шөгөдис пöрысь мортөс менам шуөмысь. Рыгнас норасис удж вылысь воөм мамлы, со пö өд мый тэнад пиукыд меным шуис. Но мам сөмын серөктыштис да вочавидзис, эн пö пыдди пукты сылысь быд шуөм. Но ичөтыдлөн печласысь кывъясыс збыльмисны. Сійө воас декабрь

толысьө Анись бабөс дзевисны Ракадорса шойнаө.

Быттьө тайос төдөмөн Анись баб боръяысь ветліс сійө гожөмнас аслас чужанінө, Дзоля Слудаө. Босьтліс и менө. Бур туйясыд сэки эз вөвны. Онөдз син водзын, кыдзи ми осььалам

пөжастьясөн. А өтчыд өти на пиысь вайис кос чери. Гожөмнас пө көвтлім Эжваысь. Мам пуис тайо кос черисыс чөскыд юква. И Анись баблөн сійөс панялігөн бара петаліс синваыс. Ог пö нин сэсся аддзыв муса Эжва юөс, кытчө коркө томдырйи Сивер верөскөд лэчывлім.

Кольөдисны Анись бабөс боръя туйө көдзыд төвся лунө. Талун ме весиг ог төд, көніджык сылөн гуыс. Юасьывлі батлысь, но сійө эз жө нинөм вермы висьтавыны. Сійө кадө өд Ракадорад эз вөв кадыс ветлывыны казтыштны мөдаръюгыдсаясөс. Сідз и воши дона баблөн гуыс. И өні зэв шог овывлө таысь.

А со ме бара бергала ыджыд рөмпөштан водзын. Дөрөм вылө

гусьөн өшөдї сылысь медальяссө. И ачым чайта нин, быттьө меным найөс сетісны. «За отвагу» да «За боевые заслуги» медальяс сідзи и дзирдалөны менам морөс вылын. Көть эськө батъ нажөвитіс найөс Синявино посөлокбердса чорыд тышгьясын. Зэв чорыда раничис. Война вылысь воис инвалидөн. А таөдз өкмыс төлысь сылы ковмис куйлыны госпитальясын. Синва петмөн жаль лывліс батъөй, сылысь некор бурдытөм дойяссө пывсянын пывсигөн аддөм борын. Сідзкө нө, зарниысь на донаджыкөсь батлөн тайө наградаясыс. Од кутшөм вөвлытөм сьөкыддунгьяс ковмис венны сылы чужан му дорийгөн.

И колө жө лоны сідзи, мый өтчыд пысалі батлысь медальяссө дөрөм вылө да петі ошйысьны аслам өртгьяс водзө. Ачым эг төдлы, кыдзи воштї сэки тайө дона наградаяссө. Гортын эг лысьт висьтавыны та йылысь. Коркө эсь-



Анись бабкөд Эжва пөлөнса пөжөма ягті визьлалысь ордым кузя. Сійө то кайлас джуджыд мылык вылө, то лэччылас шор дорө. Көдзыд шорысь васө юыштөм да неуна шойчыштөм борын бара осььалам водзө. А гөгөр сэтшөм гажа. Енэжын ыгьялө шоңдї. Дугдывтөг сылөны лэбачьяс. И менам сьөлөм вылын кыпыд. Коркөнекоркө и воим жө Дзоля Слудаад, көні оліс Анись баблөн Максим вокыс Паладдя гөтырыскөд. Кутшөм пөсь вөлі налөн аддзысьлөмыс. Чоя-вока дугдывтөг казтывлісны коркөясө. И синваыд, и серамыд налөн унаысь петавліс гажа пызан сайын пукалігөн. Сэки и шуис Анись баб, оз пö нин сэсся удайтчы воыны аслам чужанінө. Тыдалө, сьөлөмыс сылөн век жө кыліс.

А сэсся гортө воөм борын регыд и висьмис. Медбөрын эз нин кут вермыны чечывны. Сэки Анись бабөс воывлісны видлыны сылөн пөдругаясыс асланыс



кө баты казьяліс жө, мый медаль-
ясыд абуось. Сэки и бордөмсорөн
шуи ачымос мыжаон. Но баты эз
нөйт менө. Сөмын шогпырыс
нурбыльтіс, мый вөлөма, вөлөма
пө. А меным өнөдз овывлө та-
ысь яндзим батылөн югыд паметь
водзын.

Уна мыгөр на петкөдчыліс важ
рөмпөштанын. Со Успеннө праз-
дник лунө локтісны Ивадорө
гөститны Палысь мамлөн вокыс,
Иван чождө, да сылөн гөтырыс,
Елена чожиньө. Мам-батыкөд кут-
чысьлөм бөрын да пызан сайө
пуксьөм водзвылын нбөжйөнник
матыстчывлөны рөмпөштан дорө
видзөдлыны, бура-ө пукалө на
вылын паськөмыс. Көть эськө
быд лун водз асывсаянь сөр ры-
төдз уджалігәд некор рөмпөштан
пырыд видзөдчыны. А өні вежө-
маось паськөмнысө да оз жө
көсыны асьнысө мукөд гөсьт
водзын омөльтны. Иван чождө
кузь война чөждө вөлі фронт
вылын, көнкө Мурманск дорын.

Сійө и отсаліс бөрынджык мөд
Иван дядькөд өтвылысь кыпөд-
ны батылы виль керкасө. Талун
тайө керкаыс бара тыр челядь
гөлөсьясөн. Маша чой Володя
зятькөд олө сәні аслак быдтась-
яскөд. И мед жө шуда лоө налөн
баты керкаын олөмыс.

А со бара нин ме гөграла
ыджыд рөмпөштан водзын. Сө-
мын на вои гортө быдса төв От
гөравывса Сюлатуй грездын
велөдчөм бөрын. Корлісны менө
ас дораныс Аркадий ичиньдядь
да Агния ичинь. Пөшти во бердө
олө гортсянь ылын. Ак, кутшөм
өна вөлі гажтөмтча медводдза
луньясө. Көть эськө дас арөс нин
вөлі. Да и ворсны эм кождөд.
Куим воча чоя-вока менам сәні
вөліны. Но гортыд тай горт и эм.
Муна вөлі өтнам Эжва берет
дорө. Сувта гортлань чужөмбанөн
да синвасорөн ас кежысь мөвпа-
ла, кызди нин бара сәні олөны-
а? Но кузя-визянад век жө ве-
лалі. И со бара гортын. Ас ке-
жысь мөвпала рөмпөштан водзын
сулалігмоз, мый өні сәсся не-
кытчө нин ог мун. Но он тай төд,
мый лун-вой вайө. Сідзи и ков-
мис коркө-некоркө торйөдчыны
гортысь. И збылысь ог төд, ловья
абу сәні сійө важ рөмпөштаныс,
коді гажөддывліс керка пытшкөс-
нымос. А ловья кө, коді өні сэтчө
видзөдчывлө. Ме тай пыр паметь-
тын сійөс кута-а.



Виль Кывбурьяс

Елена Кеппин - чиганьяс рөдысь,
чужлөма Ухта районас Воднөй посё-
локын. Кыдзи ачыс висьтасис, челядь-
гырыс сылөн кольөма вөвьяс дорын,
сы вөсна мый баты-мамыс овлөмаось
сэтчөс конюшня дорын.

Гижны босьтчөма томдырйиыс на.
Ена радейтөма вөвьясөс. На йылысь уна
гижөма, гашкө, та вөсна и велөдчөма
Киров карса ветеринарнөй академияын.

Поэтлысь кывбурьяссө йөздлөмаось
«Наш современник» журналын,
«Сыктывкар» литература альманахын.
Меным өна вошны сьылөм вилө сылөн
кывбурьясыс, когыасөс гижөма
вөвьяс йылысь, а өг 2014 воыс буретш
Вөвлөн во. Кывбурьяссө ме вуджөдгі
коми кыв вилө. Сиа енбуа Еленалы
гижан уджын виль творческой
вермөмьяс.

Николай ЩУКИН

Чибуклы баййөдлана

Узь, менам чибукөй, шойчы,
Чөскыд көра турун вылын.
Мед тэныд баййөдлана войыс,
Колипкай шыясөн сьылас.

Узь..Медым синлыскыд куньсис
Төлысьлөн си өртөн лоны.
Тэ өд сы югөрын чужин,
Нинөмысь мед не повны.

Узь... Войыс шебралас чөла,
Унтө оз пальөд мед төвру.
Узь, медым быдман бур вөлөн,
Чибукөй, өввө, тэн, өввө.



Енэжса вөвьяс

Бурсиа вөвьяс,
Лөсталысь бокьяс
Сыналө төлыс -
Шонді тадз тшөктө.

Енэжысь лэччид
Видз вылын овны,
Йирсыны сэтөн,
Йөзысь не повны.

Домповд, сиөс
Некор эн төдлөй.
Ті шонді сіяс
Быд олысь рөдлөн.

Енэжсысь мыйла
Лэччиныд муас?
Тіянөс кыйны
Некод оз думайт.



Лысваон мыйла
Турунын бөрдад?
Шым ог кывлөй,
Вошаныд бөр ті.
Луншөрнас дзевлас
Енэжлөн зептас.
Кор авья войыс
Вөлясө сетлас,
Унаон кольчад
Дзоридзөн петны.
Тіянлысь некод,
Оз домавлы ловьяс.
Кутанныд век ті
Дзоридзөн овны.

Мекөд быдмысь вөв

Вөлыд некор абу өтдор,
Көть подковыс коксыс усьө.
Вөвкөд нянь сөйлім эг өтчыд,
Өти пиньтуйысь, эг гусьон.

Вөлыд өрт моз дзоргө синмө,
Сійө гөгөрвоө ставсө.
Месянь плеть сылы оз инмы,
Некор сы вилө ог равзы.

Вөвлысь ме тшөтш төда думсө,
Енмыс мортлы чужтіс менө.
Орччөн олөмсө мед нуас,
Өтмоз сьөкылдлуньяс венім.



Тшупöда
ПАС

Юркаса 96 номера челядьлы сад кольом вося декабрь помын пасйис гөгрөс тшупöда пас - вощьомсяньыс 40 во тырём. Тайö каднас, дерт, унатор вежсис: воысь-во бурмис-сөвмис челядьлы сад, уна быдтас петис велөдчыны школаö, содисны и садса вермөмъяс.

И ДЗОЛЮКЛЫ, и верстьöлы

Ставлы тöдса, мый челядь садсянь заводитчö ичöt мортлөн ашпөр оломö туй. Тани сийö велөдчö овны гортаясысь торйөн, тöдмасьö выль ёртъяскöд, содтö тöдмолун, кодсорö весиг медводдзаясь нин радейтчöны... И быд бать-мамлы, чайтам, зэв окота, медем эськö сылөн ныв-пиыс босьтис челядь садйысь медся донасö да коланаторсö - йöзкöд овны кужомсö да мөд мортос пыдди пуктөмсö.

96 номера сад йылысь поэбö уна бурторсö висътавны. Тани челядькöд уджалöны бур сёлöма да быдторсö кылысь войтыр. Дзолукъяскöд найö кужöны воөдчыны öти кывйö, сетöны колана отсөг. Вермасны лоны и стрөг-

джыкөн, оз кө вермы ичöt морт босьтны асьсö киас. Садикса гажъяс дырйи, дасьтысясны да, семдытöдзыд сералан, а тшöтш и радыдла синватö чышкалан. А гажъясыд овлöны тшöкыда, төлысьнас кык-куимöдз весиг. Быд морт, кодi уджалö миян садйын, вермө вежны асьыс уджъертсö. И колö пасйыны, мый найö бура тöдöны садйö ветлысь челядьлысь нимъяссö. Та вöсна мөд группаö воём воспитатель оз сорась да нимнас корö ичöt мортос.

Мойвиис веськавлыны тшупöда пас кежлö садйын котыртөм гаж вылö. Чайтанныд, мый куим часа концертис - тайö уна? Ньöти абу. Весиг эг тöдлы тайö кадсö. Гаж заводитчис челядьлөн сцен-

касянь. Сэссия найö сьылисны. Та бöрын нин видзöдысьяс водзö сьöрсьөн-бöрсьөн петавлисны садйын уджалысьяс. Кодъяс сьылисны, кодъяс йöктисны, кодъяс серамбана петкөдчöмын ворсисны. Садйөн веськөдлысь Елена Юрьевна Тюрнина сёлөмсяньыс аттьöалис и татчос уджалысьясос. Торйөн корлисны чолөмавны садйын воддза уджалысьяссö, сэссия ыджыд стажа зильысьяссö. Чолөмавны татчос уджалысьясос да сетны козинъяс волисны юркаса администрацияысь войтыр, вöвлөм быдтасъяс, челядьлөн бать-мам да уна мукöд. Та вöсна гажыс ёна нюжалис. Но тайö ньöти эз дөзмөд видзöдысьясос. Вöли кө позянулун, пукалисны эськö



нөшта на дырджык.

Торйөн окота пасйыны и сійос, мый гажсө котыргісны Вьль во водзвылын. Татшөм ногөн садйын уджалысыяс төдчөдісны, мый воис гажөдчыны кад. Мичмөдөм жыръяс, коридоръясын өшалыс шаръяс пыр жө гажөдоны синъястө. А шаръясысь жө вөчөм Көдзыд пөль виччысис челядьөс Вьль вося гажъяс вылын.

Тшупөда пас кежлө дасгөм петкөдчөм артмис сэтшөмөн, кутшөмөн виччысисны сійос котыртысыяс. Миян садлы сиөм бур да шань кывъяс нимкодьмөдісны сьөлөмъяснымөс. Ыджыд аттө да муөдз копыр ставлы, коді пунктис пай тшупөда пас кежлө дасгысымө. Детсадлы окота синны кузь нэм да бур шуд. Медым эськө и водзө на гөгөрбок сөвмис да югзис, татысь ыджыд олөмө воськовтисны восьса сьөлөма да уна төдөмуна быдтасъяс, а татчөс уджалысыяслы сиа крепыд дзоньвидзалун да терпеннө, медым ті верминнуд сетны ичөт войтырлөн быд юалөм вылө во-чакыв. Став бурсө!

*Став мам-бать нимсянь
чолөмалөмөн
Надежда ПУНЕГОВА.
Снимокъясыс авторлөн.*



ШӨПКӨДЧЫШТАМ

Рөштво - христианалон гаж, кодос пасйоны январь 7-öd лунө. Тайö лун водзын, январь 6 лунө, лунтыр оз позь сёйны ни юны медводдза кодзулөдз, колө дасьтысьны гаж кезлө.

А тэ тайос төдан?

Рөштвоста куття луно рыгнас ныв-зон чукөртчылисны, новлисны керкаысь керкао куття да колядуйтисны. Медводдза кодзув чужигкежлө пызан вылө дасьтисны 12 кослунъя сёян (12 апостоллы сиёма), кытчö тшöтш пырис куття. Сэсса заводигчис рыгыя сёйом - традиция серти шуисны «вечерей».

Гаж водзын приметаö эскөм содис. Найос юклисны некымын сикас вылө.

Рөштвоста поводдякөд йитчөм приметаяс:

- * Бушкала кө - водз тулыс лоö;
- * Шоныд поводдя сулалө - тулысыс көдзыд лоö;
- * Пуяс кө гыбралөмаось - няньлөн бур урожай лоö;
- * Енэжыс кө кодзула - анькытша-туся бур урожай.



Мый оз ков вöчны:

- ☒ Вöравны - вöралыськөд лектор вермас лоны;
- ☒ Вурсыны - семьяд кодкө синтöммас;
- ☒ Овмöсын сьöкыд удж бергöдны-ноксыны.

Фёшма:

- Оз ков паныдавны рөштво быдлуны паськөмөн - лёк йöз водзö;
- Рөштвоста лунгяс дырйи оз ков жалитны сьом, колө унджык ньобасыны керка пытшкө;
- Рөштво дырйи кө медводз пырас сьод юрсиа морт - шуд ваяс;
- Рөштво дырйи колө гөститны да гөсьтгясос виччысьны;
- Рөштво дырйи пöжалöны нянь, кытчö пуктöны көрт сьом. Кодлы сийö веськалас - шуда лоö;
- Бур, куття луно кө став семьяён кытшөн ветлөмөн сьылан коз гөгөр - тайö видзас семьятö висьöмысь во гөгөр чöж;
- Рөштво дырйи чужысь челядь вайöны семьяыслы шуд;
- Кор куття луно часи петкөдлө вой шөр, семьяса көзяин востö ошинь, медым пырас Рөштво да ваяс шуд да став бурсö;
- Рөштво дырйи колө öзтыны сись - озырлун водзын;
- Колө öзтыны кулөм рөдвужлы сись, медым найö отсаласны да ваясны шуд;
- Рөштво дырйи кө чужысь тöлысь - сьом серти мытшöд лоö;
- Гортса пемöсьястö колө бурпöт вердны - во чöж сёян-юаныд оз бырлы.



ТӨД ВЫЛӨ

**Водзын пöль-пöч ёна тунасьлөмаось.
Да и öни том йöз чукöртчылöны, медым
тöдмавны, лоö-ö матысса кадö кöлысь, содас-ö озырлун,
кутшöм лоö дзоньвидзалун?**

Вежадыр

Вуджөр вылын

Босьтны газет да чабравны, но мед оз артмы чорыд комок. Пуктыны кабаласö тасьтö да öзгыны. Кор бумагаыс дзикöдз сотчас, пуктыны тасьтö дорас сись да видзöдны стен вылын тыдовтчысь газетлөн вуджөр вылө. Вежöртасыс сэтшöм жö, мый и улынджык вайöдöм примерын.

Юрси вылын

Вой шöр кадö кисьтны дозмуко ва да содгыны сэтчö неуна пöим, сахар да сов. Васö бура гудравны, а кор сийö лöняс, шыбитны сэтчö кык юрси: öтиыс - асад, мöдыс - радейтана мортлөн. Дозмуко кольны асылöдз.

Асывнас кө юрсиясыс öтлаасьöмаось - лоö кöлысь. Ылын кө öта-мöд дорсыс - янсöдчöм водзын. Вöйöм юрси - висьöм водзын.

Радейтчöм вылө

Тайö тунасьöмыс öткаяслы, кодъяс зэв ёна окотитöны паныдавны пöвнысö. Вой шöр кадö колö матыстчыны вичко дорö да 12-ысь кытшовтны

сийöс. Тайö бырöдö öткэлун, отсалö чужтыны выль радейтчöм.

Кöмкотөн

Петны сикт сайö. Пöрччыны шуйга коксыд кöмкот да пельпöм вывтыд шыбитны нырнас водзö. Кытчö кöмкот йылыс бергöдчас, сэтгыс и колö виччысьны сватъясöс. Кöмкот йылыс кө видзöдö кöзьяйка вылө, локтан воö кöлысь эн виччысь.

Йöв да сись отсöгөн

Кисьтны тасьтö йöв да пуктыны порог вылө. Босьтны сись, пуктыны кöрт дозмуко да сывдны шуалöмөн: «Керка олысь, воы порог дорö юны йöв, сёйны сись». Медбöргья кыв шуöм бöрын кисьтны сывдöм сисьсö йöв пиö да сюся видзöдны артмöм мыгöрсö.

*Артмис кө крест - висьöм водзын.
Дзоригз - во мысти кöлысь. Пемöс -
матысса йöз пиын кодкө лёка тэ йы-
лысь мöвпавны кутас. Посни кодзувь-
яс - уджын буртор. Визьяс - туй во-
дзын. Морт мыгöр - выль ёрт.*



«Коми йöзöдчан керка»
Коми Республикаса
автономной учреждение.
**Веськöдлысь
Н.Н.БЫКОВСКАЯ**
Гл.редактор
Г.В.МАКАРОВА



Газет панысь:
Печать да юр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральной
службалөн Беломорской
управлениеын.
Регистрирунтан пас:
ПИ №ФС 3-0686.
Социальной тöдчанлуна
гижöдыяссö йöзöдöма «Коми
йöзöдчан керка» автономной
учреждениеылы печать да юр
сетан КР-са агентствöөн
вичмöдöм сьöм вылө.



Редакциялөн адрес:
167982, Сыктывкар,
К.Маркс улица,
229-öд керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru



**Редакцияын
уджалысьяс:**
**ТОМ ЙÖЗЛÖН МЫТШÖДЪЯС
ЮКÖНÖН ВЕСЬКÖДЛЫСЬ –**
Надежда Пунегова;
**ПИСЬМÖ ЮКÖНÖН
ВЕСЬКÖДЛЫСЬ –**
Екатерина Микушева.



Медводдза лист бокас
снимокыс
Галина
Макаровалөн.



Авторъяслөн мöвпьяс оз
пыр лöсявны редакциялөн
видзöдласкөд.



Тираж – 516.
Гижöдчан индекс – 52099.
«Йöлöга» газет петö
1991-öд восян
вежоннас öтчид, комиён.



Печатьö кырымалан кад:
график серти – январь
тöлысьлөн 9-öд лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООÖ-ын дась
оригинал-макетъясысь.
167610, Сыктывкар,
В.Савин улица, 81
Заказ №



Вöчам анделöс

Та вылö колöны сöмын пластилин, сйöс колана ногөн вундалан пурт - стек, 10x10 см ыжда квадратон вундöм картон, нöшта öти картон тор, сутуга либö нюжöдöм скрепка (позьö и занавес öшöдан кольча), краскаа баллон.



Босьтчам уджö. Медводз шоныд ва пытшкö кольлам пластилин. Татшöм ногөн сйö кутас быд ногыс куснясьны.

Сэсья пластилинысь вöчам шар да конус, кузькодь бедь. Вöчöмторъясьсыс ми артмöдам анделлысь юр, туша да ки-кок.

Та бöрын пластилинысь жö вöчалам уна-уна посныдык шарик. Наысь сёрöнджык артмöдам анделлысь юрсисö.

Сэсья водзвыв дасьтöм картонысь вундам кымöр.

Пластилин беддысь вöчам анделлы ки-кок.

Сэсья «тэчам» анделöс. Вöчам тадзи: коксö сувтöдам вундöм кымöр вылö, сы вылö - тушасö, сэсья юрсö. Юр вылас огö вунöдöй и юрсисö вöчыштны (водзвыв вöчалöм посныдык шарикъясь).

Та бöрын пысалам кисö (вöчам серпачки).

Сэсья картонысь жö вундам анделлы кык борд да дудочка.

Сэсья киö босьтам сутуга (кольча) да пысалам юрас. Тадзи мян анделным лоас вежаөн.

Та бöрын вомас сьям дудочка, пысалам бордьяс. Сэсья стек отсöгөн вöчам син-пель-вом.

Медбöрын дась анделсö колана краскөн пызьям, косьтыштам.

Со и дась мян анделным! Мед эськö ас киөн вöчöм анделным видзас тьянöс да матыссатö став лёксыйс.

